



GODINA XV
Broj: 2/55

BILTEN

april-juni 2019.g.
redžeb-ševval 1440.h.g.

Isteno informativno glasilo Medžlisa IZ-e Tešanj

Ramazan 2019. – 1440. (str. 4. i 5.)



Novi muftija zenički hafiz doc. dr. Mevludin ef. Dizdarević na iftaru i sjednici IO Medžlisa IZ-e Tešanj - 17.05.2019.



Obraćanje glavnog imama
i 6 učača hafiske mukabele u Čarši-džamiji Tešanj

Uručenje murasele novom muftiji zeničkom
Zenica 24.05.2019. - Reisu-l-ulema Islamske zajednice u Bosni i Hercegovini dr. Husein ef. Kavazović na svečanosti upriličenoj u Sultan-Ahmedovoj džamiji uručio muraselu novoimenovanom muftiji zeničkom hfz. doc. dr. Mevludin ef. Dizdareviću.
Mevludin Dizdarević je rođen u Zenici 1974. godine. Završio je GHM u Sarajevu, 1992. a FIN-a 2000. godine. Časnu titulu hafizul-kur'an dobiva 2003. godine a nakon mr. diplome 2009. siće i zvanje doktor islamskih nauka iz oblasti kulture i civilizacije 2016. Radio je kao imam u Ensar džamiji u Zenici i kao spoljni saradnik na IPF Zenica gdje je biran u zvanje docenta iz oblasti Islamska kultura i civilizacija. Muftija Dizdarević je treći muftija Muftijstva zeničkog. Od osnivanja 1993. do 1997. hfz. dr. Halil ef. Mehtić, a od 1997. do 2019. muftija je bio dr. Ejub ef. Dautović.

Obilježen 7. maj „Dan džamija“ (str. 6.)

Održano 3. takmičenje „Hifz – Tešanj 2019“ (str.7.)



Novi Miljanovci – Tradicionalna 14. „Večer Kur'ana“



Pobjednici u sve četiri kategorije

Najava jubileja – 110 godina Medžlisa IZ-e Tešanj

(od provođenja prvih samostalnih izbora i uspostave autonomnih organa IZ-e u BiH).

31. jula 1909. godine Skupština Kotarskog vakufsko-mearifskog povjerenstva Tešanj izabrała
prvi saziv Kotarskog vakufsko-merifskog povjerenstva u Tešnju,
a ovo povjerenstvo istog dana za prvog predsjednika izabrało Smailbega Ferizbegovića.

BAJRAMSKA PORUKA GLAVNOG IMAMA

Hvala Allahu, Stvoritelju svijetova, na milostima i blagodatima kojima nas daruje. **Donosimo salavat i selam** na posljednjeg Allahovog poslanika Muhammeda, a.s., na njegovu porodicu, na njegove ashabe, i na sve one koji su živjeli i umrli sa istinom u srcu i u djelu. **Sjetimo se bosanskih sinova**, šehida, koji su, na Allahovom putu, dali svoje živote.

Ramazanski bajram je jedan od najvećih mubarek dana u hidžretskoj godini. On nam donosi važne poruke koje treba pažljivo saslušati i dobro razumjeti. On nam dolazi poslije Ramazana, a Ramazan je mjesec koji zauzima posebno mjesto u životu čovjeka. **Ibadeti** u mjesecu Ramazanu uviјek iznova jačaju našu volju da istrajemo na dobru te da se približimo jedni drugima. Otuda je naša ramazansko - bajramska poruka da se sreća ovog i budućeg svijeta može postići uz iskreno obožavanje samo jednog Boga i istinsko poštivanje čovjeka kao Božijeg stvorenja. **Sa klanjanjem Bajram namaza** mi smo u praktičnom značenju ispratili ovogodišnje mubarek dane Ramazana. Put koji smo prošli i iskušenja koja smo savladali učimili su nas jačim i samosvjesnjim. Na tom putu smo **spoznali i naučili** da je vjera u Allaha dž.š. naša najveća snaga. „... *I samo u Allaha neka se pouzdaju vjernici.*“ /3:160/ **Spoznali smo i naučili** poštovati naše duhovne vrijednosti. „*I tako Mi* duše i *Onoga Koji je stvorio pa joj put dobra i put zla shvatljivim učini,-uspjet će samo onaj koji je očisti.*“ /91:7-9/. **Spoznali smo i naučili** da čovjeku pripada samo ono što sam svojim trudom postigne. „*Čovjeku pripada samo ono što sam svojim trudom postigne.*“ /53:39/. **Spoznali smo i naučili** da je zajedništvo najbolji štit za našu sigurnost i napredak. „*I uhvatite se svi zajedno za Allahovo uže...*“ /3:103/

Zbog toga u ovim mubarek trenucima želim oporučiti da je islamska dužnost da jačamo naše zajedništvo, da šrimo međusobnu ljubav, povjerenje i slogan. Naša je posebna obaveza da brinemo jedni o drugima i da čuvamo dostojanstvo jedni drugih i da vodimo računa o našoj Islamskoj zajednici. **Ovaj bajram** dočekali smo sa radošću. Gledajući i osjećajući ramazansku duhovnost u ovom mubarek trenutku s pravom možemo se nadati da će naši ramazanski ibadeti biti kabul kod Boga i da će biti upisani u naša dobra djela. **Čuvajmo** ono što smo stekli u ramazanu. Nemojmo trošiti ramazanske vrijednosti. **Ostanimo** u vezi sa Allahom dž.š., držeći se za to uže čvrsto. Ostanimo na pravom putu, učeći Kur'an, pohodeći džamije, težeći dobro. **Božiji poslanik Muhammed a.s.** podučio nas je da su: „Allahu najdraža djela ona koja su stalna, pa makar bila i mala.“ **Nemamo pravo** da se igramo sa ramazanskim vrijednostima. One u sebi sadrže, vjersku, moralnu, kulturnu i nacionalnu odrednicu svakog od nas. Moramo biti svjesni i savjesni toga i odgovorni prema tim vrijednostima. Tražiti od drugih naroda da poštuju naše vjerske, moralne, nacionalne kulturne vrijednosti, a svojim postupcima ih urušavati u ovim bajramskim danima, nemamo pravo na to. **Bajramski dani** jesu dani duhovne radosti, lične i porodične sreće i veselja u kojima ne bi trebala doći do izražaja zloupotreba BAJRAMA kao nešto što nudi povod i priliku za opuštanje i nekontrolisani izljev najnižih emocija i strasti. „*I ne klanjam se, pored Allaha, drugom bogu! Nema boga osim Njega! Sve će, osim Njega, proći! On će suditi, i Njemu ćete se vratiti!*“ (EL-Kasas, 88). **Upućujem dovu Allahu dž.š.** neka nam u ovim mubarek danima još jače učvrsti vjeru u srcu, neka bolesnim podari zdravlje, neka siromašnim podari opskrbu, neka nam osnaži zajedništvo u našim džematu. **Allahu Milostivi**, omili nam da i poslije Ramazana budemo Tebi odani i pobožni kao u mjesecu ramazanu. **Od sreća** svima vama želim ugodan Bajram, moleći Allaha dž.š. za vaše dobro zdravlje i sretan život na obe svijeta. **Bajram šerif mubarek olsun!**

POZIV NA SARADNNU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba ; email: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić; tehnički urednik, tekst i foto Rašid Orlović.

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić i Suljo ef. Djedović prof., saradnici imami MIZ-e Tešanj.

Aktivnosti IO Medžlisa –

30.04.2019. - Održana 4. redovna sjednica IO kojoj je prisustvovalo 12 članova, a predsjedavao predsjednik Zehrudin Kruško. Na sjednici je razmatran dnevni red od 13 tačaka i usvojeni: zapisnik i izvještaj o realizaciji zaključaka sa 3. redovne i tematske sjednice IO; prijedlog pismenih odgovora na zastupnička pitanja podnesena na 2. sjednici Skupštine Medžlisa, Tekst dopisa Općinskom načelniku i političkim subjektima u vezi primjene odredaba o kocki, Plan aktivnosti za obilježavanje 7. maja „Dana džamija“, Plan aktivnosti za predstojeći mjesec ramazan, Izvještaj o provedenom takmičenju učenika osnovnih i srednjih škola iz Islamske vjeroulike, Izvještaj o provedenom tamičenju polaznika mektepske nastave, tekst Konkursa za popunu upražnjenog radnog mjesta imama, hatiba i muallima u džematu Ljetinić, Odluka o potrebi rekonstrukcije munare uz džamiju Lepenica i imenovanju Građevinskog odbora, Odluka o potrebi izgradnje mesdžida Huskići u džematu O. Planje, Odluka o potrebi izgradnje predulaza Hamzibegove džamije i imenovanju građevinskog odbora i dr.



14.06.2019. - Održana 5. redovna sjednica IO kojoj su prisustvovali svi članovi, a predsjedavao predsjednik Zehrudin Kruško. Na sjednici je razmatran dnevni red od 10 tačaka i usvojeni: Zapisnik i izvještaj o realizaciji zaključaka sa 4. redovne sjednice IO; Izvještaj o obilježavanju 7. maja „Dana džamija“, Izvještaj o realizaciji Plana aktivnosti za ramazan 1440.h.g.-2019.g., Plan aktivnosti za Kurban-bajram, ugovori o djelu sa imamima Belmin ef. Bašićem i Aldin ef. Mehmedovićem, Odluka o prijemu hafiza Almir ef. Salkanovića na upražnjeno radno mjesto imama u džematu Ljetinić, Odluka o isplati regresa zaposlenim, prijedlozi Komisije za vakuf i vakufsko zemljište o uvakufljenju zemljišta i dr.



14/06/2019

NA KRAJU RAMAZANA

Nakon što smo hvala Allahu, dželle še'nuhu, ispostili prvu trećinu ramazana, koja je „**rahmet - milost**“, a potom i drugu trećinu ramazana, koja je „**magfiret - oprost**“, hvala Allahu, azze ve dželle, ušli smo u posljednju trećinu ramazana, koja je posebna i kao nagradu za krunu naših ibadeta u njoj inša-Allah imamo konačnu nagradu, a to je **"Njegova posljednja trećina je oslobođanje od vatre!"**

Kada bi došla posljednja trećina ramazana Poslanik, sallallahu alejhi ve sellem, bi pojačao ibadete, što potvrđuju riječi Aiše, radijallahu anha, majke mu'mina: Prenosi Aiša, radijallahu anha, da bi Poslanik, sallallahu alejhi ve sellem, kada bi došla posljednja trećina ramazana, smotao svoju posteljinu, tj. ne bi se primicao ženama, noći bi provodio u ibadetu i budio bi svoje ukućane (radi činjenja ibadeta). (Buharija i Muslim)

Pored teravije koju je Poslanik, sallallahu alejhi ve sellem, klanjao tokom ramazana, u zadnjih deset noći bi u zadnjoj trećini noći klanjao i Salatut-tehedždžud.

Danas, u posljednjoj ovogodišnjoj ramazanskoj džumi srca postača su radosna zbog toga što su iskreni mu'mini uz Allahovu, dželle še'nuhu, pomoći gotovo ispostili još jedan ramazan i time učvrstili jedan od pet stubova islama i posvjedočili svoju iskrenost u vjeri!

Neka se zato raduju vjernici, uvjereni da su im svi njihovi ibadeti u mubarek ramazanu primljeni, a grijesi oprošteni! Radosni smo i zahvalni smo Allahu, subhanehu ve te'ala, na rodnoj kiši koju nam je On Svojom milošću tokom ramazana spuštao da oživi obamrlu bosansku zemlju i napoji stoku i usjeve, a neki od nas to zbog naših grijeha i nemara nismo zaslužili!

Kaže Allah, dželle še'nuhu, u ajetima 7. - 10. Sure Eš-Šems:...***I duše i Onoga koji je stvoril (7) pa je nadahnu griješenju i bogobojažnosti! (8) Spašen je onaj ko je očistili, (9) a izgubljen je onaj ko je uprlja! (10)***

Zato neka se u ovim danima raduju oni koji su svoju dušu očistili, a neka tuguju i neka učine iskrenu tevbu (pokajanje) oni koji su svoju dušu uprljali!

Kaže Poslanik, sallallahu alejhi ve sellem, u hadisu koji bilježi imam Ahmed, da je ummet počašćen u ramazanu sa pet stvari sa kojima nije počašćen bilo koji drugi ummet, a kao peta odlika se navodi: **„...Opraštaju im se grijesi zadnju noć!“** Neko reče: „Allahov Poslanič, je li to Noć Kadra?“ Reče: „Ne, jer radnik prima punu nagradu tek onda kada u potpunosti završi posao!“ (Ahmed)

Ovih su dana srca mu'mina zadovoljna i sretna i svako od nas se trudi da u jednoj od neparnih noći zadnjih deset noći ramazana pronađemo Noć Kadra, koja je vrijednija od hiljadu mjeseci, a u naredni ponедjeljak se inša-Allah završava ovogodišnji ramazan, u kojem smo postili u ime našeg Gospodara, čvrsto Ga vjerujući i nadajući se samo Njegovoj nagradi.

Zbog toga su ovo trenuci u kojima učimo dove i činimo istigfar (traženje oprosta) i nadamo se da će nam naš post biti primljen, a za ispravan post nema druge nagrade sem dženneta.

Pa neka su sretni oni čije tevbe su primljene! Neka se raduju oni koji se u ramazanu potpuno očistiše od grijeha! Oni koji su pobijedili sebe, svoj nefi i proklete šejtane! Oni koji su se postom uzdigli na više deredže imana i takvaluka (bogobojažnosti), a to su oni koji žude za džennetima čija su prostranstva kao nebesa i Zemlja!

Braće i sestre, ako ispraćamo ramazan, sa njim ne ispraćamo pokornost Allahu, azze ve dželle, bogobojažnost i ustrajnost. Naprotiv odlaskom ramazana mi jačamo našu vezu sa Allahom, subhanehu ve te'ala, i potvrđujemo da ćemo inša-Allah biti još bolji i snažniji u svome dinu. Oni koji nakon ramazana zaborave na namaz, Kur'an i džemat, oni pokazuju svoju slabost i površnost u vjerovanju i potvrđuju da nisu položili ramazanski ispit i da se pod hitno moraju popravljati.

Vjernik ne smije posustati u ibadetima sve do smrti, baš kao što Allah, dželle še'nuhu, kaže Poslaniku, sallallahu alejhi ve sellem, u 99. ajetu Sure El-Hidžr: ***Robuj svome Gospodaru, sve dok ti smrt ne dode!***

Braće i sestre, uistinu su nesretni oni koji su u ramazanu bili nemarni. Oni koji su bez opravdanog razloga mrsili, a posebno oni koji su to činili javno. Oni koji su neredovno klanjali. Oni koji su umjesto učenja Kur'ana ili njegova slušanja učili i slušali ono što je Gospodar zabranio. Oni koji su umjesto bereketa sehura i iftara u svojim kućama imali uobičajena tri obroka. Oni koji su umjesto u namazu, zikru i i'tikafu u džamijama, ramazanske noći provodili u kafanama i diskotekama. Oni koji su se zaboravili ko su i zašto su na ovoj Zemlji. Oni koji svojim ponašanjem izazivaju Allahovu, azze ve dželle, srdžbu u našoj Domovini, koja je natopljena rijekama šehidske krvi i u kojoj se ne može ni korak napraviti, a da se ne stane na mjesto gdje je u posljednjem stoljeću prolivena krv nevinih Bošnjaka!

Braće i sestre, neka vam je mubarek ostatak ramazana i da ih inša-Allah još puno dočekamo u još jačem imanu, miru, sreći, blagostanju ummeta i u našoj cjelovitoj domovini Bosni i Hercegovini!

Molim Allaha, subhanehu ve te'ala, da nas učvrsti na putu islama! Da pomogne svoj našoj ugroženoj i obespravljenoj braći i sestrama, a posebno onima u: Palestini, Siriji, Iraku, Kašmiru, Burmi, Jemenu, Libiji i Egiptu! Da od nas primi namaze, post, učenje Kur'ana, zekat, sadekatu-l-fitri, dove i sva dobra djela koja učinimo u mubarek ramazanu! Da nas sačuva iskušenja koja ne možemo podnijeti! Da se smiluje našim umrlim roditeljima i precima, koji su Allahovom, dželle še'nuhu, voljom na nas prenijeli svjetlo dina! Da našu djecu i potomke učini boljim čuvarima Dina i Domovine od nas, radostima naših očiju i srca i prvacima ummeta! Da nam oprosti grijehu i uvede nas u obećane džennete, u društvu sa poslanicima, iskrenim, šehidima i dobrim ljudima! (Iz hutbe Nezim ef. Halilovića Muderrisa).

RAMAZAN 2019. – 1440.h.g. , nastavak sa naslovne strane**Post i iftar**

„Svaki čovjekov posao se višestruko nagrađuje; dobro djelo se nagrađuje desetorostruko, do sedam stotina puta, a Allah Uzvišeni je rekao: - Osim posta, on je Moj i Ja za njega nagrađujem, on ostavlja svoje strasti i hranu radi Mene.“ (Hadis-Muslim).

Karakteristika ovogodišnjeg ramazana je povećanje svih mjerljivih pokazatelja (zekat, sadekatu-l-fitr, broj učača mukabela, broj teravih punktova, ...). Medžlis je samostalno ili u saradnji sa drugim subjektima organizirao iftare:

- za imame i članove IO - 13. 05. 2019.
- za profesore odgojno-obrazovnih ustanova IZ-e u BIH - 10. 05. 2019.
- Za novog Muftiju i savjetnika reisu-l-uleme s IO – 17.05.2019.

Brojni iftari, 163 su organizirani u džematima (Šije, Piljužići, Novi Miljanovci, Jevadžije, O.Planje, Mrkotić-Putešić, Jelah, Dobropolje-Mekiš, Jevadžije, Medakovo...).

Iftar za privrednike, Tešnja, Doba, Teslića, Žepča i Zavidovića Ureda za zekat u Ukusu – 22.05.2019. i dr.



Iftar za profesore



Iftar za novog muftiju i IO



Iftar ureda za zekat



Iftar u Šijama

Mukabela

Učena u svim džamijama na ukupno 36 mesta sa 265 učača.

Hafisku mukabelu u Čarši džamiji poslije ikindije-namaza učili su džematski imam Enver ef. Kurtić i hafizi: Nermin Ibrahimović, Ahmed Bukvić, Ismail Dogru iz Turske i učenici medresa: Muhamed Mešić i Mustafa Sinanović.



Sa hafiske mukabele u Čarši dž.

Sehurska mukabela u Čarši džamiji i Novi Miljanovci.

Mukabela za žene u džematima: Hamzibegova džamija, Piljužići, Miljanovci i Novi Miljanovci.



Žene na iftaru sa mukabele iz Novih Miljanovaca

Teravih-namaz

Klanjan na 66 mjestu (jedan više nego prošle godine), 20 rekata po takvumu, uz angažovanje: 29 dekretiranih imama, 4 honorarna imama; 4 penzionisana imama, 12 učenika medresa, 2 studenta, 4 svršenika medresa, 9 teravih imama, 1 vjeroučitelja.

Teravih namaz klanjan u 38 džamija, 27 mesđida i 1 porodičnoj kući.

I ove godine na području Medžlisa IZ-e Tešanj boravio je gost iz Turske hfz. Ismail Dogru koji je obilazio džemate na teravih-namazu i mukabeli po rasporedu Medžlisa i učestvovao u javnim programima Medžlisa.



Teravih namaz – imam hafiz iz Turske

Itikaf – Kao i ranijih, tako su i ove

godine imami kao mutekifi boravili u itikafu u četiri džamije i to:

- mr. Enver ef. Kurtić u Čarši-džamiji ,
- mr. hafiz Almir ef. Hadžić u Jelahu, Muris ef. Braćkan – Mračaj-Potočani i Bersad ef. Kozlić prof.–Novi Miljanovci.

Rad sa ženama muallima Fatima

Čeman u saradnji sa glavnim imamom organizirala rad sa ženama u ramazanu:

- sa 13 učenica medresa posjećeno 34 puncta i održano isto toliko prigodnih programa za žene,

- Žene iz različitih oblasti održale predavanja ženama u džematima i to: tri profesorice (Asmira Garić, Enesa Bedaković-Piro i Džejlana Hasanović) i doktorice iz Doma zdravlja Tešanj: Milada Ahmetagić, Ena Bedak, Amna Baraković, Džana Kavazović, Aida Mehic i mr. Emin Turalić.

Rad sa omladinom – mreža mladih

Iftari i druženja:




Centralni omladinski iftar – 27. noć



U Medžlisu 15.05.2019.

U džematima, tokom cijelog ramazana:



Novi Miljanovci



Piljužići



Raduša

RAMAZAN 2019. – 1440.h.g. , nastavak

Prigodni programi: „U susret Ramazanu“ održano 8. tribina u 8 džemata: Doboropolje-Mekiš-08.03.2019. uvodničar – mr. Enver ef. Kurtić; Mračaj-Potočani – 15.03. – hafiz Ahmed ef. Bukvić prof.; Kraševo – 22.03.2019.-hafiz mr. Nermin ef. Ibrahimović; Oraš Planje – 29.03.2019. Ramo ef. Svrzo prof.; Bobare-Drinčići – 05.04.2019, hafiz mr. Almir ef. Hadžić; Karadaglje-Koprivci-Oruče – 12.04.2019., Elvedin ef. Aličić prof.; Jevadžije – 20.04.2019., Emir ef. Hodžić prof. i Bukva – 26.04.2019., Muris ef. Mahalbašić prof.

Jelah – Večer ilahija „U susret ramazanu“ održana u džamiji poslige akšam-namaza, 25.04.2019. Izvođači Hor „Elći Ibrahimpašine medrese“ iz Travnika. Prigodno se obratili imam hafiz mr. Almir ef. Hadžića, glavni imam, direktor medrese mr. Dževdet ef. Šošić i muftija za Australiju Jasmin ef. Bekrić.

17. noć - Lejeltu-l-Bedr – obilježena na prigodan način u svim džematima, centralna manifestacija održana u džematu Vukovo – Mevlud - u džamiji poslige teravih-namaza. Mevlud su proučili imami Medžlisa IZ-e Tešanj i hafiz iz Turske, a prigodno se obratili džematski imam i glavni imam koji su uručili vakufmane vakifima.

Jelah – 20.05.2019. iftar, druženje i uručenje vakufname vakifima – Hujdur hadži Ahmet i hadži Zahira za uvakufljena novčana sredstva za kupovinu zemljišta u vakuf džamije Jelah.



Vukovo



Jelah

27. noć-Lejeltu-l-Kadr, 31.05.2019 obilježena na prigodan način u svim džematima, centralna manifestacija održana u Čarši-džamiji i na trgu poslige teravih-namaza. Kur'an i ilahije učio hafiz iz Turske i članove mreže mladih, a Kadarsku dovu proučio glavi imam. Noćni namazi u velikom broju džemata.



Dolac-Kotlanice – 02.06.2019. Proučen tradicionalni mevlud u džamiji pred zadnju teraviju.

Posjete profesora džematima nakon iftara:

Rijaset – dr. Ekrem Tucaković – Jelah, FIN-a Sarajevo – prof. dr. Zuhdija Hasanović – Čarši-džamija, IPF Zenica: hafiz dr. Halil Mehić – Raduša, dr. Zuhdija Adilović – Karadaglje-Koprivci-Oruče, dr. Šefik Kurdić – Novi Miljanovci, IPF Bihać: dr. Fuad Sedić – Hamzibegova džamija, dr. Muharem Štulanović – Džemilić Planje, dr. Izet Terzić – Trepče i Hasan ef. Makić – Piljužići, Gazi Husrev-begova medresa Sarajevo: Dževad Pleh – Bobare-Drinčići, Salih Haušić – Miljanovci, Merzuk Đulan – mesdžid Miljanovci; Behram-begova medresa Tuzla: dr. Mensur Husić – Dolac-Kotlanice, Dino Čorović – Ljetinić i Asmir Durić – Kalošević, Elći Ibrahim-pašina medresa Travnik: mr. Kemal Avdagić – Oraš Planje, Kemal Pandža – Kraševo, Benjamin Malanović – Šije, Medresa Osman ef. Redžović Veliko Čajno kod Visokog: hafiz Zijad Dervić – Mrkotić-Putešić, Emir Uzunalić – Jablanica, hafiz Benis Topalović – Dibekhana i Emir Salić – Vukovo, „Karađoz-begova“ medresa Mostar – mr. Suad Mujakić - Lepenica.

Ramazanski bajram 2019.- 1440. h. g.

Bajram Namaz – Centralna bajramska svečanost za Medžlis IZ-e Tešanj održana je u Čarši-džamiji u Tešnju 04.06.2019. (prvi dan Bajrama) gdje je bajram-namaz klanjao i hutbu održao glavni imam mr. Fuad ef. Omerbašić.

Tradicionalni bajramske prijem – upriličen 1. dan Bajrama-utorak, 04.06. 2019. u 11,00 sati u restoranu „UKUS“ Tešanj, kome je prisustvovalo 300 zvanica kojima su Bajram čestitali glavni imam i Općinski načelnik mr. Suad Huskić.



Bajramska čestitka Općinskog načelnika

Dan šehida - 2. dan Bajrama – 05.06.2019. obilježen u svim džematima prema Protokolu Rijaseta (proučena Hatma dova, Jasen i Fatihu pred duše šehida, posjećeni šehitluci).

- U Medžlisu IZ-e Tešanj glavni imam i predsjednik priredili



Prijem za delegaciju OPŠiPB i Općinskog načelnika

Obilazak šehidskih mezarja – u vakufskom mezarju „Đonlagića“ gdje su Jasen pred duše šehida, proučili imami Medžlisa IZ-e Tešanj i Dobojski, Fatihu svih prisutnih, a dovu glavni imam koji se i prigodno obratio prisutnima kao i glavni imam Medžlisa IZ-e Dobojski Bajro ef. Džafić.



Hatma dova za duše šehida

Oraš Planje, 05.06.2019. Poslije podne namaza u džematu Oraš Planje proučena dova i položen kamen temeljac za izgradnju mesdžida Huskić. Dovu proučio glavni imam, a obratili se džematski imam Muris ef. Mahalbašić, glavni imam i Općinski načelnik, koji su sa predsjednikom IO Medžlisa IZ-e Tešanj Zehrudinom Kruškom i predsjedavajućim OV Tešanj Senadom Subašićem položili kamen temeljac.



Obilježen 7. maj „Dan džamija“

Medžlis – Promocija knjige Mehmed ef. Handžić autora hfv. dr. Halil ef. Mehtića održana u atriju MIZ-e Tešanj u petak, 12. 04. 2019. g. Promotori: autor hafiz dr. Halil ef. Mehtić i glavni imam.

Trepče, Tradicionalni Mevlud održan u džamiji u subota, 13.04.2019.g. poslije podne namaza. Mevlud proučili imami Medžlisa IZ-e Tešanj uz prigodno obraćanje džematskog imama Emir ef. Hodžića prof. i glavnog imama.

Dobropolje-Mekiš – Tradicionalni Mevlud i zikr, proučeni u džamiji u nedjelju 14. 04. 2019.g. poslije podne-namaza. Mevlud proučili imami Medžlisa IZ-e Tešanj. Nakon dobrodošlice džematskog imama Sulje ef. Djedovića prigodan vaz održali glavni imam i Zijad ef. Ljevaković prof., a zikr predvodio hadži Osman Jašić.

Raduša – Tribina „Uloga čovjeka u zajednici“ odžana 18.04.2019.godine poslije akšam-namaza. Temu predstavili glavni imam i hafiz Husein ef. Cajlaković.

Vukovo – Mevlud proučen 19.04.2019.godine poslije akšam-namaza uz obraćanje džematskog imama Mirnes ef. Alića i prigodan vaz glavnog imama i Nezim ef. Halilovića Muderrisa.

Jablanica – Tribina i uručenje vakufnama vakifima za unutrašnju rekonstrukciju džamije održana 19.04.2019., poslije jaciće-namaza. Tribinu održali i vakufname uručili džematski imam Dževad ef. Hasanbašić, glavni imam i Nezim ef. Halilović.

Novi Miljanovci – Tradicionalni 6. turnir polaznika mektepske nastave u stonom tenisu održan u nedjelju 21. 04. 2019. g. u saradnji sa Omladinskim klubom Novi Miljanovci. Pobjednici: 1. mjesto Jašić Abdullah iz džemata Dolac-Kotlanice, 2. mjesto Pašić Harun iz Šarenog mekteba i 3. mjesto Jacić Danis iz džemata Novi Miljanovci.

Medžlis - Promocija knjige „Tragom drevnih Bošnjana – Bosanska država i nacionalni identitet(i) kroz historiju“ održana u atriju Medžlisa, 26.04.2019.g. Promotori autori i glavni imam.

Lepenica – Tradicionalni Mevlud proučen u mesdžidu Bedaci 28.04.2019.godine poslije podne namaza. Mevlud proučili imami Medžlisa IZ-e Tešanj uz prigodno obraćanje džematskog imama Elvedin ef. Aličića prof., i glavnog imama.

Mrkotić-Putešić – Tradicionalni 17. Mevlud i hatma dova za šehide proučeni u džamiji u utorak; 30. 04. 2019. g. poslije akšam namaza. Mevlud proučili imami okolnih džemata i polaznici mekteba uz prigodno obraćanje džematskog imama Hajrudin ef. Delića, glavnog imama i Edhem ef. Čamđića, bivšeg muftije banjalučkog.

Dibekhana džamije, Tribina – održana u džamiji u četvrtak, 02.05.2019. poslije akšam-namaza. Gost hafiz Maid ef. Ibrahimović prof.

Novi Miljanovci – peta tribina za žene održana u džamiji u četvrtak; 02. 05. 2019. g. poslije akšam-namaza. Gost Džana Kavazović i domaćin Fatima Ćeman.



Zikr u džematu Dobropolje-Mekiš



Mevlud u džematu Trepče



Sa tribine u džematu Jablanica

Teslić -Tradicionalni 24. mevlud za šehide (u saradnji sa OPŠIPB) proučen u džamiji u Stenjaku u petak, 03.05.2019.g. poslije džuma-namaza. Uz obraćanje predsjednice Nure Mehić i glavnog imama Medžlisa IZ-e Teslić Sifet ef. Hadžića.

Tematska Hutba i sergija u povodu „Dana džamija“ u svim džamijama 03.05.2019.

Sva prikupljena sredstva uplaćena na račun Rijaseta.

Novi Miljanovci – Tradicionalna 13., Večer Kur'an-a (3. godinu u programu Rijaseta) Centralna manifestacija Medžlisa održana u džamiji Novi Miljanovci, 03.05.2019. godine poslije akšam-namaza. Kur'an učili hafizi: Ahmed ef. Bukvić prof. imam Hamzibegove džamije u Tešnju; Mehmet Ali Sari iz Turske, imam centralne Ulu džamiji u Kutahyji; Aziz Alili, glavni imam Medžlisa IZ-e Zagreb (koji je od dosadašnjih 13 godina prisustvovao 12 puta) i njegov sin Ahmed. Selame i dobrodošlicu svim prisutnim uputio je džematski imam Bersad ef. Kozlić prof., koji je sve prisutne pozvao da se učenjem Fatihe još jednom sjete graditelja ove džamije i utežljitelja ove manifestacije hadži Muharema Kruške. Prigodno su se obratili glavni imam Medžlisa IZ-e Tešanj mr. Fuad ef. Omerbašić, novi muftija zenički hafiz doc. dr. Mevludin ef. Dizdarević i hafiz mr. Mensur ef. Malkić, imam Begove džamije i direktor „Gazi Husrev-begove“ medrese.

Medžlis - Proglašenje pobjednika i dodjela nagrada učenicima za likovne i literarne radove na temu „7. maj - Dan džamija“, u atriju Medžlisa IZ-e Tešanj 07.05.2019.g. Nagrade uručili glavni imam i predsjednik aktiva vjeroučitelja.



Novi Miljanovci – Obraćanje muftije zeničkog



Medžlis – Dodjela nagrada učenicima

Mekteb

Kraj mektepske godine - Završnim ispitima (06.04.-28.04.2019.) i hatma dovama polaznika mektebske nastave okončana je mektepska 2018/ 2019. godina. Ukupno upisanih 3177 (104 manje nego prošle 2017/18 godine). Završnim ispitima prisustvovalo je 2.460 (101 manje nego prošle godine) (77,43% - procentualno manje za 0,57%).

U sufari učilo 860 (za 107 manje nego prošle godine), a u Kur'anu 1.042 (24 manje nego prošle godine).

Hatma dove polaznika mektebske nastave održane su u 25 mekteba na kojima su svim svršenicima hatmi uručene jedinstvene svjedožbe izrađene u Rijasetu i popunjene u medžlisu, ukupno uručeno 729 svjedodžbi (više za 11 nego prošle godine).

Od mogućih 7512 bodova, ukupno u toku godine osvojeno je 6703 boda, u odnosu na prošlu godinu to je za 141 bod više, mada je ukupan upisanih polaznika manji za 104 polaznika, a što je pokazatelj da je uspješnija ova od prošle mektebske godine. Opća ocjena je odličan odnosno 89,2% realiziranog programa.



Iz naših džemata: - Provedena dezinfekcija i dezinsekcija u sjedištu Medžlisa i svim vjerskim objektima u džematima (džamijama, mesdžidima, mektepskim učionicama i gasulhanama).

- Postavljena nova prostirka u džamijama: Jablanica, Džemilić Planje i Novi Miljanovci.

Karadaglje-Koprivci-Oruće: U srijedu 12.06.2019.g., u 90-oj godini života na Ahiret je preselio **hadži Ibrahim ef. Halilović**, a u petak 14. 06. 2019. godine klanjana mu je dženaza u harem džamije džemata Karadaglje-Koprivci–Oruće.

Dženazu mu je klanjao sin hadži Osman ef., nakon čega je ukopan u vakufskom mezarju „Brijeđa“ u Koprivcima.

Mnogobrojnim prisutnim džemalijama na dženazi obratili su se: džematski imam Husein ef. Bećirović prof., glavni imam Medžlisa IZ-e Tešanj mr. Fuad ef. Omerbašić i predsjednik Skupštine Ilmijje BiH Nijaz ef. Duzan.



Raduša – 15. 06.2019. Proučen tradicionalni mevlud i hatma dova u povodu godišnjice otvorenja džamije i sjećanja na šehide i vakife. Mevlud su proučili imami Medžlisa IZ-e Tešanj poslije podne namaza uz obraćanje džematskog imama Rame ef. Svrze prof., glavnog imama i doc. dr. Senad ef. Ćemana.

**Održano 3. nagradno takmičenje „Hifz – Tešanj 2019“**

Medžlis IZ-e Tešanj i Udrženje Bošnjaka „Vrijeme Zeman“, pod pokroviteljstvom Muftijstva zeničkog, organizirali su treće nagradno takmičenje u učenju Kur'ana napamet „Hifz – Tešanj 2019“. Kvalifikaciono takmičenje je održano u četvrtak, 6. juna 2019. u četiri kategorije:

I kategorija – 5 džuzova Kur'ana, (od 6. An-Nisa' do 10. At-Tawba), II kategorija – sura An-Nisa.

III kategorija – 28. džuz. IV kategorija – 30. džuz (Amme). Finalno takmičenje, proglašenje pobjednika i dodjela nagrada održano je u subotu, 08.06.2019. godine u Centru za kulturu Tešanj na kome je učestvovalo po pet prvoplasiranih sa kvalifikacionog takmičenja iz svih kategorija.

Pobjednici: I kategorija: 1. mjesto i nagradu odlazak na hadždž osvojio je Kamberi Kamber, 2. 3. 4. i 5. mjesto i nagradu odlazak na umru osvojili su: Kurgaš Abdullah, Tulić Ejub, Muratović Emir i Spahić Imran.

II kategorija: 1. mjesto i nagradu 1.000,00 KM – Kapo Asija, 2. 3. 4. i 5. mjesto i nagradu 500,00 KM osvojili su: Hassan Hussein, Čolaković Vedad, Gičević Muhamed i Gičević Abdulkerim.

III kategorija: 1. mjesto i nagrada 1.000,00 KM – Alić Talha, 2. 3. 4. i 5. mjesto i nagradu od 500,00 KM - Pezić Jasir, Kasumacić Adnan, Aganhodžić Madžid i Pezić Zubejr.

IV kategorija: 1. mjesto i nagrada 500,00 KM – Pašalić Asija, 2. mjesto i nagrada 400,00 KM – Baturić Lejla, 3. mjesto i nagrada 300,00 KM – Jašarević Esma, 4. mjesto i nagrada 200,00 KM - Hasikić Harun i 5. mjesto i nagrada 100,00 KM - Halilović Ishak.

Jelah, 15.05.2019. Uručene svjedodžbe o završenoj hatmi za 15 odraslih polaznika škole Kur'ana u džamiji prije teravih-namaza. Svjedodžbe su dobili: Salkičević Jasminka, Subašić Nura, Subašić Behka, Kantić Azra, Mujkanović Sejida, Mević Emin, Subašić Adisa, Hrvić Ema, Ćeman Sabaheta, Mujkanović Mersiha, Bešo Ismet, Subašić Enes, Hujdur Zahira, Hasić Amela i Terzić Adela. Uručujući svjedodžbe glavni imam je čestitao muallimu hafizu mr. Almir ef. Hadžiću i polaznicima ove škole Kur'ana.



Piljužići – „Večer Kur'ana“ održana 21.04.2019. u džamiji poslije akšam-namaza, učestvovali mladi hafizi učenici medresa: Abdullah Mrkonjić, Zejd Špiolić, Ahmed Hamidović, Abdullah Halilović, Afan Bukva i Hamdo Solo. Vaizi: Salih ef. Haušić i glavni imam.



PANO HADŽIJA MEDŽLISA IZ-e TEŠANJ 2019-1440. h.g

Zajimović Senajid bedel za Sejdinović Mehmeda	Kurtić Enver ef. bedel za Korajlić Minu	Hasak Raif ef. bedel za Muminović Emu	Kurdić Mirsad bedel za Kurdić Fatimu	Bešo Suvad Koprivci	Ahmić Muharem Jelah	Braćkan Sulejman Logobare	Braćkan Asim bedel za Braćkan Šidi
Mudrov Ramo Piljužići	Dizdarević Rasim - Vukovo	Karahmet Fadil Miljanovci	Brka Ibrahim Dobropolje	Subašić Adem Tešanj	Brkić Rasim Tešanj	Brka Samir Tešanj	Lekić Fadil Tešanj
Huskić Šeća bedel za majku Bajrić Nizu	Huskić Rusmir Karadaglije	Omerbašić Fuad ef. vođa puta i Ajka bedel za Omerbašić Emu		Aličić Dino i Erna Jelah		Kadušić Kemal i Hatidža Trepče	
Alispahić Ismet i Sanela Karadaglije	Kalabić Avdo i Amela Jablanica	Kalabić Enis i Fata Jablanica		Roša Čazim i Hana Roše			
Ćeman Alija i Mumu Novi Miljanovci	Kruško Zijad i Nermina Novi Miljanovci	Mujkić Muhamed i Hanija Miljanovci		Omerbašić Esed i Edina Miljanovci			
Ahmić Muharem i Razija Miljanovci	Hasanić Senad i Jasminka Šije	Sejdinović Unka - Šije		Hafizović Rasma - Šije	Čamo Zekija Jevadžije	Džanić Sejada Oruće	
Halvadžić Muhiba Dobropolje	Čehajić Šahza bedel za svekrvu Hediju	Memišević Halida Matuzići	Dizdarević Ajka bedel za Mešić Šuhretu	Turkić Rifa Tešanj	Omerbašić Nasiba bedel za zeta Senada	Krdžalić Indira bedel za svekrvu Raziju	Ćeman Emira bedel za sina Samira

